



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR DAN BERITA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PPP)
SETIAUSAHA AKHBAR**

25 SEPTEMBER 2023 (ISNIN)



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR (KPDN)

25 SEPTEMBER 2023 (ISNIN)



PEMERIKSAAN bekalan barang keperluan di Pasir Gudang mendapati ia mencukupi untuk pengguna.

Tiada ketirisan bekalan di Pasir Gudang

Telur, minyak masak tepung semua cukup

Oleh MOHAMAD FAIZAL HASHIM

JOHOR BAHRU – Kementerian Perdagangan Dalam Negeri dan Kos Sara Hidup (KPDN) Johor menegaskan barang keperluan termasuk minyak masak, tepung dan telur masih banyak dan mudah diperoleh di kawasan Pasir Gudang ketika ini.

Pengarahnya, Lilis Saslinda Pornomo berkata, hasil pemerhatian dan pemeriksaan yang dijalankan di beberapa premis pasar raya di Pasir Gudang mendapati, tidak timbul isu kekurangan bekalan barang keperluan seperti yang didakwa.

"Sehingga kini tiada aduan rasmi diterima KPDN Johor berhubung isu gangguan kekurangan bekalan keperluan ini," katanya

di sini semalam.

Terdahulu, Ahli Parlimen Pasir Gudang, Hassan Abdul Karim menggesa KPDN mengadakan Program jualan Rahmah (PJR) di kawasan parlimennya bagi mengatasi masalah ketiadaan barang keperluan asas.

Lilis memberitahu, pihaknya akan mengadakan PJR di kesemua 26 Parlimen dan 56 Dewan Undangan Negeri (DUN) termasuk di Pasir Gudang minggu ini.

"PJR secara luar premis dan bergerak akan diadakan di Taman Pasir Putih dan Projek Perumahan Rakyat (PPR) Taman Cendana pada 29 dan 30 September ini.

"PJR kali ini menawarkan penjimatan harga barangan keperluan harian di antara 10 hingga

30 peratus lebih murah daripada harga biasa membabitkan barangan seperti gula, tepung, telur ayam, ikan, ayam, beras, buah-buahan dan sayuran," ujarnya.

Dalam itu, Lilis memberitahu, orang ramai diingatkan agar membeli barangan mengikut keperluan sahaja dan tidak membuat pembelian berlebihan.

Katanya, perkara itu bagi mengelakkan timbul pembelian panik dalam kalangan pengguna.

"Peniaga juga diingatkan tidak mengambil kesempatan dengan menaikkan harga barangan sewenang-wenangnya dalam tempoh ini dan tindakan tegas diambil sekiranya mereka (peniaga) dikesan melakukan kesalahan berkaitan bekalan dan harga," tegasnya.



AZMAN ISMAIL

Guna dikir *buskers* didik masyarakat hak pengguna

KOTA BHARU: Pejabat Perdagangan Dalam Negeri dan Kos Sara Hidup (KPDN) Kelantan menggunakan dikir *buskers* bagi memupuk kesedaran rakyat berkaitan hak sebagai pengguna.

Pengarahnya, Azman Ismail berkata, ia diilhamkan daripada dikir barat yang diberi suntikan lebih segar melibatkan penggunaan alat-alat muzik moden seperti gitar.

Katanya, pemilihan itu lebih tepat kerana mesej disampaikan menerusi bait-bait lagu menggunakan dialek negeri ini.

"Bila guna dialek Kelantan, mesej hendak disampaikan lebih mudah sekali gus 'melekat' dalam kepala mereka.

"Ini adalah salah satu inovasi baharu yang kita perkenal dengan tujuan rakyat tahu hak-hak mereka sebagai pengguna," katanya ketika ditemui Utusan Malaysia di sini semalam.

Azman memberitahu, usaha yang dirintis sejak awal tahun ini mendapat respons positif dalam kalangan masyarakat.

Katanya, ramai pengguna mengakui pendekatan itu memudahkan mereka untuk lebih memahami mesej berkaitan dengan kepenggunaan secara jelas.

"Kita akan memperhebat usaha pendidikan supaya mereka tahu hak sebagai pengguna dan bagaimana hendak membuat laporan jika berdepan dengan masalah melihatkan kepenggunaan," katanya.

Taktik ubah suai tangki beli diesel di Seri Manjung tumpas

MANJUNG – Taktik satu sindiket mengubah suai tangki lori bagi membolehkan lebih banyak diesel dapat diisi terbongkar selepas dua lelaki diberkas Kementerian Perdagangan Dalam Negeri dan Kos Sara Hidup (KDPN) Perak kelmarin.

Tindakan sindiket berkenaan disyaki bagi membolehkan beka-

lan tersebut dijual semula di pasaran gelap dengan harga komersial atau industri.

Pengarah Kementerian Perdagangan Dalam Negeri dan Kos Sara Hidup (KDPN) Perak, Datuk Kamalludin Ismail berkata, modus operandi berkenaan digunakan sindiket terbabit dan ia berjaya dibongkar hasil maklumat

risikan selama dua minggu.

"Kita mengesan tindakan sebuah lori yang membeli minyak diesel di stesen-stesen minyak sekitar Seri Manjung.

"Hasil penjejakan ke atas lori tersebut juga telah berjaya menemui sebuah stor simpanan haram dan tangki simpanan minyak diesel dengan anggaran

muatan sehingga 5,000 liter.

"Turut ditemui sebuah lori kargo rigid berkapasiti satu tan dengan sebuah tangki ubah suai serta beberapa peralatan lain yang digunakan untuk mengepam minyak," katanya.

Kamalludin berkata, dua lelaki tempatan berumur 62 dan 44 tahun yang ditahan gagal menge-

mukakan sebarang lesen CSA (Control Supply Act) bagi borong atau runcit atau permit barang kawalan berjadual minyak diesel.

"KPDN Manjung turut menyita dua buah lori, dua unit tangki, 3,000 liter cecair disyaki minyak diesel dengan anggaran nilai sitaan keseluruhan adalah sebanyak RM76,750," katanya.

Stor haram simpan minyak diesel bersubsidi diserbu

LUMUT - Taktik sindiket membeli minyak diesel bersubsidi di stesen-stesen minyak sekitar Manjung untuk dijual semula di pasaran gelap gagal apabila stor penyimpanan barang kawalan itu diserbu pihak berkuasa pada Sabtu.

Serbuan Op Tiris 2.0 sekitar jam 8.30 malam itu dilakukan Kementerian Perdagangan Dalam Negeri dan Kos Sara Hidup (KPDN) Cawangan Manjung di Kampung Acheh dekat Sitiawan.

Pengarahnya, Datuk Kamalludin Ismail berkata, ser-

buan segera dilakukan selepas menerima maklumat berhubung aktiviti pembelian minyak diesel oleh sebuah lori yang diubah suai.

"Hasil jejak ke atas kenderaan itu membawa penemuan sebuah stor simpanan haram yang mempunyai tangki simpanan dan beberapa peralatan lain.

"KPDN Manjung menyita dua lori, dua tangki minyak diesel dan 3,000 liter cecair disyaki minyak diesel. Dua pemandu lori berusia 44 dan 62 tahun turut ditahan," katanya.

FOTO: IHSAN KPDN PERAK



Pegawai penguat kuasa KPDN Cawangan Manjung memeriksa sebuah lori yang diubah suai sindiket penyelewengan minyak diesel bersubsidi di Kampung Acheh, Sitiawan pada Sabtu.



KEMENTERIAN PERDAGANGAN DALAM NEGERI
DAN KOS SARA HIDUP

BERITA ONLINE (KPDN)

25 SEPTEMBER 2023 (ISNIN)

BERITA ONLINE BERTARIKH 25 SEPTEMBER 2023

TARIKH	TAJUK	PAUTAN	MEDIA
25-Sep	KPKM beri kebenaran sementara guna pelekot harga baharu pada kampak BPI	https://www.google.com/amp/s/www.bharian.com.my/amp/berita/nasional/2023/09/1156783/kpkm-beri-kebenaran-sementara-guna-pelekot-harga-	BH
25-Sep	Penggunaan pelekot harga pada kampak BPI dibenarkan sementara	https://www.bernama.com/bm/news.php?id=2228490	BERNAMA
25-Sep	KPKM allows temporary use price stickers on BPI sacks	https://www.bernama.com/en/news.php?id=2228510	BERNAMA
25-Sep	'Not so Rahmah', says Kedah consumer association on move to sell imported rice at lower price	https://www.google.com/amp/s/www.nst.com.my/amp/news/nation/2023/09/959135/not-so-rahmah-says-kedah-consumer-association-move-sell-imported	NST
25-Sep	Bekalan makanan di Pasir Gudang ada cuma cepat habis - Penduduk	https://www.google.com/amp/s/www.sinarharian.com.my/ampArticle/280695	SH